

YRKJA III

YRKJA er starfsþróunarverkefni Tónverkamiðstöðvar fyrir tónskáld. Verkefnið parar saman valin tónskáld úr ólíkum áttum við úrval íslenskra listastofnanna. Hér er auglýst eftir umsóknum um þátttöku í YRKJU með Sinfóníuhljómsveit Íslands sem stendur yfir frá 20. maí 2017 fram í febrúar 2018.

Markmið YRKJU er að veita nýjum tónskáldum hagnýta reynslu í upphafi starfsferils þeirra. Verkefnið undirbýr tónskáld fyrir faglega vinnu með stærri hljómsveitum, hátíðum og öðrum listastofnunum hérlendis og erlendis. Tónskáldið fá þannig tækifæri til að þróa hæfileika og listrænan metnað, fá starfsreynslu og mynda mikilvæg tengsl innan tónlistargeirans.

Að þessu sinni bjóða Tónverkamiðstöð og Sinfóníuhljómsveit Íslands tveimur tónskáldum að verja tímabilinu frá 20. maí 2017 til 26. janúar 2018 í YRKJU undir handleiðslu Daníels Bjarnasonar tónskálds og hljómsveitarstjóra. Tónskáldin munu fá innsýn í innra starf hljómsveitarinnar, þróa færni sína í að semja verk fyrir sinfóníuhljómsveit og að endingu verður verkið flutt á sérstökum tónleikum á Myrkum músíkdögum í lok janúar 2018. Tónskáldin munu jafnframt fá tækifæri til að vinna náðið með hljóðfæraleikurum í sérstakri Tónskáldastofu. Verkefnastjórn YRKJU hvetur bæði karla og konur að sækja um en sú nýbreytni varð að stjórn verkefnisins ákvað að í YRKJU III yrði skilyrt að a.m.k. annað tónskáldanna yrði að vera kona.

Áhersla er lögð á ferli listsköpunar og munu þátttakendur í YRKJA verða hvattir til að þróa hugmyndir sínar og aðferðir við sköpun. YRKJA hlúir að starfsferli tónskáldanna og mun því verkefnið fela í sér ráðgjafaviðtöl í Tónverkamiðstöð um starfsferil tónskáldins.

UMFANG

- Tónskáldið skal semja 10 mínútna hljómsveitarverk á verkefnistímanum og fær tækifæri til að vinna með það í vinnustofum, Tónskáldastofu og æfingum undir handleiðslu Daníels Bjarnasonar.
- Verkið skal vera fyrir staðlaða stærð SÍ, án einleikara, rafhljóða, eða annarra aukahljóðfæraleikara.
- Gert er ráð fyrir a.m.k. 30 starfsstundum þar sem tónskáldin starfa í samvinnu við hljómsveitina og Daníel.
- Tónskáldin skulu skrá og skila fullnum og prenthæfum nótum (raddskrá og röddum) til Tónverkamiðstöðvar á rafrænu formi sem miðstöðin mun sjá um að útbúa fyrir hljómsveitina á pappír.

VERKÞÆTTIR

- Tónskáldið kynnist innviðum Sinfóníuhljómsveitar Íslands; Tónleika- og hljómsveitarstjórnun, nótnasafni, markaðssetningu og fræðslustarfi, fundum um áætlanagerð, æfingaplani, tónleikum og upptökum. Gæti innifalið tíma með hljóðfæraleikum á æfingatíma til að prófa einstök hljóðfæri eða þróa hugmyndir.
- Tónskáldið fær aðgang að öllum æfingum Sinfóníuhljómsveitar Íslands á verkefnistímanum.
- Tónskáldið mætir á kynningardag Sinfóníunnar í Hörpu.
- Tónskáldið þróar hljómsveitarverk undir handleiðslu Daníels Bjarnasonar.
- Tónskáldið mætir í Tónskáldastofu, allar vinnustofur og aðalæfingu, tónskáldahittinga og starfsþróunarviðtöl Tónverkamiðstöðvar og er viðstaddur YRKJU-tónleika.

TÍMALÍNA BIRT MEÐ FYRIRVARA UM BREYTINGAR

DAGSETNING	VERKÞÁTTUR
1. maí 2017	Auglýst eftir umsóknum eða um leið og Tónskáldasjóður Rúv hefur.
15. maí 2017	Umsóknarfresti lýkur.
20. maí 2017	Svör við umsóknum.
30. maí 2017	Heimsókn þátttakenda til Sinfóníuhljómsveitarinnar, kynning á starfsemi og fundur með Daníel Bjarnasyni.
9. júní 2017	Starfsþróunarviðtal í Tónverkmamiðstöð.
19. júní 2017	Vinnustofa – Mentor og tónskáld.
26. júní 2017	Vinnustofa – Mentor og tónskáld.
11. júlí 2017	Skil á efni til Tónverkamiðstöðvar fyrir Tónskáldastofu. Nótum skilað til SÍ viku síðar.
29. ágúst 2017	Tónskáldastofa með mentor og hljóðfæraleikum SÍ.
Sept/Okt 2017	Tónskáldahittingur í Tónverkamiðstöð.
8. nóvember 2017	Vinnustofa – Mentor og tónskáld.
15. desember 2017	Skil á efni til Tónverkamiðstöðvar fyrir YRKJU-tónleika 27. jan. 2017. Nótum skilað til SÍ viku síðar.
23. janúar 2018	Myrkir músíkdagar – æfing 14:00-16:30
26. janúar 2018	YRKJU-tónleikar (hljóðprufa og tónleikar).
28. janúar 2018	Tónskáldahittingur á vegum Tónverkamiðstöðvar.
Febrúar 2018	Starfsþróunarviðtal í Tónverkamiðstöð.

VALFERLI

Fimm manna dómnefnd fer yfir allar umsóknir og eitt tónskáld verður svo valið til þátttöku í verkefninu. Formaður dómnefndar er Daníel Bjarnason. Öllum umsóknum verður svarað og er niðurstaða dómnefndar endanleg.

HVER GETUR SÓTT UM?

- Umsækjandi verður að vera búsettur á Íslandi á meðan á verkefninu stendur.
- Verkefnið er ætlað íslenskum tónskáldum sem eru á fyrri hluta starfsferilsins. Þess vegna verður umsækjandi að hafa útskrifast með gráðu í tónsmíðum eða tengdu námi á síðustu 10 árum og má ekki vera í námi á meðan á verkefninu stendur.
- Verkefnið er öllum opið óháð aldri.
- Umsækjandi skuldbindur sig að mæta í öll viðtöl, vinnustofur, tónskáldastofur og tónskáldahittinga verkefnisins. Sjá nánar í tímalínu.
- Með þátttöku í verkefninu gefur það tónskáld sem valið er kost á sér í kynningu fyrir verkefnið, t.d. með ljósmyndun, viðtölum við fjölmiðla o.fl. í þeim dúr eftir því sem þörf krefur.
- Umsækjandi verður að líta á verkefnið sem stórt tækifæri á sínum ferli.

INNIHALD UMSÓKNAR:

- Nafn, kennitala, heimilisfang, netfang og sími.
- Tenglar á heimasíður og samfélagsmiðla eftir því sem við á.
- Mynd af umsækjanda.
- Ferilskrá (CV) – hámark 2 A4 bls.
- Ferilsaga (Biography) - hámark 100 orð.
- Umsóknartexti þar sem umsækjandi segir frá því af hverju hann hefur áhuga á að taka þátt í verkefninu. Hámark ein blaðsíða í A4 stærð. Vinsamlegast tilgreinið eftirfarandi atriði:
 - af hverju hefur þú áhuga á að taka þátt í verkefninu?
 - hvað telurðu að þú munir læra af þátttöku í verkefninu?
 - hvað annað hefur þú á dagskrá á verkefnistímanum?
- Raddskrár af tveimur til fimm verkum. Verkin verða að vera nýleg, ekki eldri en fimm ára, og a.m.k. eitt þeirra skrifað fyrir fleiri en 12 hljóðfæraleikara. Með verkunum má gjarnan fylgja upptaka eða vídeó, en það er þó ekki nauðsynlegt.
- Ef umsókn uppfyllir ekki ofantalin skilyrði verður hún ekki tekin til greina.

UMSÓKNARFRESTUR ER TIL 15. MAÍ

Umsóknarfrestur stendur til og með 15. maí og skal skila umsóknum rafrænt í tölvupósti á vala@mic.is. Vinsamlegast setjið „YRKJA 3, umsókn með SÍ“ í efnislinu (**subject**). Öll gögn skulu send á .pdf formi nema mynd sem má vera .jpg eða .png. Hljóddæmum og vídeóum skal skilað sem tengli á vefsvæði s.s. Vimeo, YouTube, Soundcloud eða Dropbox. Vinsamlegast beinið öllum fyrirspurnum um umsóknir til Valgerðar G. Halldórsdóttur, framkvæmdastjóra Tónverkamiðstöðvar (vala@mic.is).